

三貂嶺

按呢，遠遠看
美麗景緻
迴心肝，遠遠
基隆嶼，知影

海，kā 溫柔
鋪做一領眠床
Hōo 戀夢生淚
咱島國，嬌 kah

今仔日 ê 風
小可仔寒寒
我嘛是來遮
和你盤擱
倚 tī 上孤單 ê 所在
遠遠看

番仔澳、八斗仔、社寮島
攏 kā 手伸落海裡
畫一條，回鄉 ê 路
In 知，運命
不時會颯風落雨

日頭光，好心情
Tī 土地公伯仔頭殼頂
跳脫衣舞，這齣戲
我看百面搬 bē 煞

我 ê 目神
綴 leh 盤山過嶺
每一片樹葉仔搖動
攏是秋天 ê 祝福

記持，按呢
輕輕仔滴落來

變做時間 ê 跂跡
無影無蹤

聽候明年春天
花開 ê 時 koh 來遮
陪你，遠遠看
遠遠，有一段心事
凡勢仔未焦
基隆嶼
定著知影

註解：

三貂嶺：Sam-tiau-niá，海拔 523.5 公尺，位於新北市瑞芳區。境內有三貂嶺古道，屬淡蘭古道系統，頂顛視野佳，可眺望基隆嶼。1867 年清國台灣總兵劉明燈所題之「金字碑」，即位於途中岩壁，故又稱金字碑古道。

番仔澳：Huan-á-ò，深澳。

八斗仔：Pat-táu-á，八斗子。

社寮島：Siā-liâu-tó，和平島。

迴：thàng，通往。

盤攞：puân-nuá，交陪來往。

倚：khiā，站。

副風：khau-hong，吹風。

in：他們。

焦：ta，乾。

——2020/10/26

